



## TUSAGASSIORTUNUT NAJOQQUTASSIAQ

# ATAATSIIMIITITALIAT ATAATSIIMIINNERANNUT TAMANULLU AMMASUMIK SIUNERSIUINERMI INGERLATSERIAASEQ

### Attaveqarfissaq

Inatsisartut sulinerat pillugu paasissutissanik assigisaannilluunniit tusagassiortut siammarterinerannut iluaqutaasinnaasunik pissarsiniartoqartillugu tusagassiorfiit sukulluunniit saaffiginnittarsinnaanissaat Allattoqarfimmiit kissaatigineqarpoq.

Saaffiginninnginnermili Inatsisartut nittartagaata [ina.gl](http://ina.gl)-ip alakkarneqartarnissaa siunnersuutigineqarpoq, tassanimi paasissutissat atortussallu attuumassutillit tamarmik tamanit takuneqarsinnaasumik saqqummiunneqartarmata

### Ataatsimiititaliani ataatsimiinnerit ammasut matoqqasullu

Aallaavittut ataatsimiititaliani ataatsimiinnerit tamanut ammasuunngillat. Ataatsimiinnerilli ilaat ataatsimiinnertut ammasutut ingerlanneqarsinnaasarput. Tassa kikkulluunniit, tusagassiortut ilanngullugit, ataatsimiinnernut

ammasunut najuussinnaapput. Taamaalillutik ataatsimiititaliat ammasumik siunersiuinissaminnik toqqaasinnaapput. Tassa ataatsimiititaliat siunersiuinissamut ammasumut Naalackersuisunik qaaqqusinerat.

**Siunersiuineq ammasoq sioqqullugu**  
Siunersiuinissaq pillugu ataatsimiititaliaq tusagassiortunut tusagassiorfinnut nalunaarummik nassiussissaaq.

Tusagassiorfinnut nalunaarummi paasissutissat uku amerlanertigut allaqqasarput:

- Siunersiuinissamut piffissaliussaqaq sumiiffissarlu, Naalackersuisunut ilaasortaqaq sorleq aggersarneqarsimanersoq kiisalu siunersiuinissamut apeqqutit.
- Siunersiuinermut inuit amerlanerpaamik 15-it najuussinnaapput.
- Tamatuma saniatigut inissat tallimat tusagassiortunut immikkut





atugassiissutigineqarput. Tusarnaariartut siunersiuinissap kingusinnerpaamik 15 minutsit sioqqullugit saaffiginnissapput.

### Siunersiuinerup ammasup ingerlanerani

Innuttaasut tusagassiortullu siunersiuinermik kalaallisut danskisullu malinnaasinnaangorlugit atortulersuutini atorsinnaasaannik piareersimasoqarpoq.

### Siunersiuinerup ammasup kingorna

Innuttaasut siunersiuinermut ammasumut najuussimasut ataatsimiittarfimmit saaffiginnittarfiup tungaanut qaniorneqassapput.

Tusagassiortut naalackersuineramik sulialinnik apersuinissaminnik kissaateqarpata tamanna partiit gangiini imaluunniit inimi tusagassiortunut atugassiissutigineqartumi ingerlanneqarsinnaavoq.

### Ammasumik siunersiuinermi malittarisassat

Siunersiuinerup aallartinnginnerani innuttaasut tusagassiortullu malittarisassat uku maluginiassavaat:

- Siunersiuinissamat tusarnaariat ersittumik allagartaqassapput. Inatsisartut

Allattoqarfiat inissamik innersuussisimappat tusarnaarianut allagartaq saaffiginnittarfimmit tunniunneqassaaq.

- Tusarnaariat siunersiuinerup nalaani nipaarsaassapput.
- Siunersiuinermi nipimik assinillu immiussisoqarsinnaavoq, tamanna siunersiuinermi peqataasunut akornutaangippat.
- Oqarasuaatit angallattakkat nipaarutsinneqassapput.
- Tusarnaarianut tusagassiortunullu sassaalliussaqrneq ajorpoq.
- Siunersiuinerup kingorna naalackersuineramik sulialinnik apersuineq inimi tusagassiortunut atugassiissutaasumi ingerlanneqassaaq.
- Siunersiuinerup kingorna tusarnaariat saaffiginnittarfimmukaanneqassapput.
- Tusarnaariat siunersiuineramik kalaallisut danskisullu malinnaasinnaangorlugit atortulersuutini atugassinneqassapput. Teknikikkut atortulersuutit pisariaqarneratut qajassuunneqassapput.

Tusagassiortut siunersiuinermut peqataanissamik  
kissaateqartut uunga attaveqarsinnaapput:

[arnja@ina.alla.gl](mailto:arnja@ina.alla.gl)

Uunga assilinera ilanngullugu:

[inatsisartut@inatsisartut.gl](mailto:inatsisartut@inatsisartut.gl)